

Fegl d'informaziun per las scolaras ed ils scolars


# Plaids-clav segirs

Sin biaras paginas-web ston ins crear in num d'utilisader ed in plaid-clav per saver far diever diils survetschs (e-mails, arcun online, plattaforma da maletgs, etc.). Sin quellas paginas ni plattafornas vegnan datas da tei arcunadas. Quellas vul e duesses ti proteger, per che auters hagian buc access ad ellas. In plaid-clav aschi segir sco pusseivel che ti sas tener endamen protegia tei.

Plaids-clav che han da far enzatgei cun tei ein buca segirs encunter crackers<sup>1</sup>. Quei ei p.ex. tiu num e tiu onn da naschienscha ni tias inizialas. Plaids-clav che consistan da plaids che cumparan en vocabularis ein medemamein buca segirs. Ils crackers emprovan quels plaids-clav cun agid da computers.

Ils crackers san denton era eruir spert plaids-clav che han mo paucs segns. Per far quei drovan els computers da gronda prestaziun ch'emprovan tut las cumbinaziuns da segns pusseivlas. Sche ti integreschas en tiu plaid-clav diembers, bustabs gronds, bustabs pigns ed era segns specials, dat ei spert dapli pusseivladads ed il hacker drova bia pli ditg d'eruir tiu plaid-clav.

La grafica sutvart muossa tgei pusseivladads che ti has da crear in plaid-clav segir.



Sco alternativa ad in plaid-clav tradiziunal sas ti duvrrar caracteristicas biometricas sco p.ex. l'impronta dil det ni il muster digl egl (scan dall'iris). Per saver s'annunziar cun ina caracteristica biometrica drovan ins denton ina hardware culs lecturs corrispundents.

<sup>1</sup> Crackers ein personas ch'emprovan da survegnir a moda nunlubida access a plattafornas. Els emprovan da lignar tiu plaid-clav. Per sbagl vegnan quellas personas savens numnadas hackers.